

Unibertsitate poliziala?

J.R. ETXEBARRIA



ZER gizarte-mota eraikiko ote da etorkizunear, gazteen prestakuntzarako den erakundean ere arrazonomenduen logika makilen hizkuntza jipoitzaileaz ordezkatu denean?

Errazki, errazegi eta inolako neurrik gabe sartzen ari dira poliziak —ertzain bertsioan— inoiz sartu beharko ez luketen etxean, hots, unibertsitatean. Eta behin barruan egonda, bertako jaun eta jabe bihurtu dira, ikasle-irakasleak astinduz. Matrikularik ordaindu gabe, noski. Beraien logika guztia, indarra eta jipoia. Darabilten metodo zientifikoa, makilaz joriko kolpea. Elkarrizketa eta eztabaidarako ahalmena, kanpora irteko bi minutu famatuak.

Hori guztiori, zergatik? Duela zenbait aste, ikasleek matrikulak ordainketa-sarien igoragatik protestak ari zirelako. Baketsuki. Orduan, etxe berri baten inaugurazio-ekitaldian gertatu zen, Arkitektura-Eskolarenean. Oraingoan ikasleak errektoretxean sartu direlako, irakasle despedituen kasurako konponbidea eskatuz. Baketsuki. Ordea, errektoreak eta beraren taldeak elkarrizketaren bidea hartu beharrean, polizia sartzeko ordena eman dute.

Baina sentikortasunik gabeko gizarte funtzionariatu honetan ez da ezer gertatzen. Gizarte sumiso honetan hori normala da, zeren, agintariek hola badiote, gure zerbitzari izan behar omen luketenez gure aurkako erasoa egitea, ontzat hartuta baitago. Legala baita. Horregatik, problemak konpondu beharrean, bidea problema horiek airatzen dituztenak isileraztea dela uste dute agintariek.

Inoiz, lekukoen aurrean, unibertsitatean poliziak sartuko balira, dimititu egingo zuela esan zuen errektore jaunak. Oraintxe dauka aukera. Hitzik baleuka. Ala ertzainak ez al dira poliziak?

Alemaniko ereduak

JOSEMARI VELEZ DE
MENDIZABAL



TXUNDITUTA

etorri da Xabier Mendiaga adiskidea, urtero bezala Martxoaren hastapenetan alemaniar herrialdeak egin ohi duen bidaiatik.

Badirudi, haren ustez, oraingoan ere aurea hartu digula europar eraikintzan ari omen garen gainerakooi eta, musean arituko balitz bezala, germaniar boteretsua hogeitamaikaka ateratzen ari bide da mahaitik jokoan parte hartzen duten guztiak. Ez dauka arerio egokirik.

Bere ahalmen ekonomikoengatik gainontzeoengandik nabarmentzen den herrialdeak bere baldintzak ezarri ditu beti, osotasunaren aldaketa politiko zein ekonomikoan eragiteko. Alemaniako kasuak garbi adierazten du formula horren gaurreguneko balioa, Europako mosaiko berrian. Txirroi protestarako eskubidea geratzen zaie.

EEEr diruz eusten zion estatua, alemaniar birbateraketa dela medio, hartzekodun bilakatu da. Beraz, aberatsa, aberats izanik jarraituz, behartsuen dirulaguntzaz ari da bere ekonomia zuzpertzten. Eta guri tontolapikoen musua ipintzen zaigu, batzuk jokoan hain trebeak nola izan daitezken asmatu ezinik. Izan ere, gehienetan —beti ez esatearren— galtzailearena antzetzeta egokitu baizaigu.

Baina erabatekoena, Xabieren esanetan, Alemaniako Demoskopia Institutuaren zuzendaria den Elisabeth Noelle-Neumann andrearen aitortpenetan aurkitu du. Emakume horren iritziz, alemaniar herriaren lanerako jarrera aldatzen ari da..., erantzunkizun eta ekintza gehiago eskatuz! Guk, berriz, funtzionari izatearekin egiten dugu amets. Egia al da, etniaren alienazio kulturala eta herrialdeko alienazio ekonomikoa batera ematen direla?

EL CORREO ESPAÑOL

Ieltsinek hautsi egiten du

Dena dela eta Ieltsinek lortutako arrakasta erabatekoa izan baliteke ere, Errusia prozesu eze-gonkor berri batean sartu da eta horrexegatik galdera bat egin daiteke, hain zuzen Ieltsinen funtsezko hutsegitea ez ote den izan kolpean zehar eskuratutako kapital politikoaren gehiegizko balorazioa egitea. Ieltsinek orain egin nahi duen guztia askoz lehenago egin zezakeen eta egin behar zukeen gainera. Bere erreflexurik ezaren ondorioz egungo operazioa arriskutsuagoa da.

EDITORIALA

EL PAIS

Aldaketa Frantzia

Baina ikaragarria berdeek jasandako pasara ederra baino gehiago (politikan eskarmentu gutxiko formazioa da) Le Pen-en eskuin-muturraren hedadura handitzea da, hori, nahiz eta eskainutan bere isla ez izan, Fran-



ITURRIA / SUD OUEST

tzia dena aurretik daramaten jarrera kontserbadoretarantz letratzearen sintoma larria baita.

Emaizta horrek oso argi uzten du nola aldatu den frantziarren iritzia. Beraigean haserre dago klase politikoarekiko, konfidantzarik eza berorren moralitateari buruz, nekea sozialisten diskurtsoa dela eta, eszeptizismoa hori suntsitzen ari den zalantza eta

kontzientzi azterketa mugimenduan handiaren aurrean (Michel Rocarden *big bang* eskaintzan zegoen ahalegin egiazalea gora-behera) eta, batzuen iritziz Europar sartzeko prozesuarekin lotuta dagoen langabetuen kopuruak eraginda, etsipena. Hor-taz, hauteskunde hauetan, udal-erako iaz egin zirenetan bezala, zigor botoa garrantzitsua izan da,

frantziarren aldatzeko ezbairik gabeko nahiak pisu handia izan duen moduan.

EDITORIALA

EL MUNDO

Sozialisten galtze umiliagarria Frantzian

Emaizta, era berean, dezepzioa da berritze politiko handiagoa espero zutenentzat. Berdeak espero zena baino askoz okerrago gelditu dira, komunistak beherantza mantendu egiten dira eta Le Pen-en eskuin-muturrak, nahiz eta bere kota handienak ez lortu, aurikusitako emaitza gaitunditu du. Gauzak horrela, ezusteko gutxi espero daiteke hurrengo ingandean egingo den bigarren itzulian. Frantziak gobernu liberal-kontserbadorea izango du eta horren estreineko ekintzak —Mitterrandekiko kohabitazioaren funtzionamenduaren araberakoak— arretaz aztertu beharko dira Espainiako udazken elektoralari begira.

EDITORIALA

ZUZENDARIARI

Luis Mari Bandresi

Behin ta berririo irakurri diat hire gutuna eta iruditzen zaidak ez duala nire lehenengoaren zentzua ulertu.

Dena den, benetan poztan nau hire erantzunak, beharrezkoa dugun eztabaida batetan zentratzen laguntzen gaituelakoan nagoelako.

Lehenengoz azaleko matizazio bat. Hire gutunean konsensusaren adierazgarri bezala, Ikastolen konfederakundearen paper batetan agertutako esaldi bat aipatzen duk. Utz iezaidak hik aukeratutakoaren parean pasarte osoa argitaratzen, irakurlea bera izan dadin bere ondorioak aterako dituen.

Azpimarratu duk: «Dicha Ley contiene la posibilidad técnica y jurídica para que las ikastolas y otros centros tengamos una correcta solución». Pasarte osoa honako hau zen: «3. Mostrar nuestro rechazo al modelo de escuela estatal que el PSOE quiere imponernos a todos, mediante la Ley de Escuela Pública Vasca que será aprobada en el Parlament. Dicha Ley contiene la posibilidad técnica y jurídica para que las ikastolas y otros centros tengamos una correcta solución. Sin embargo, así como el PNV se mostró dispuesto a analizar nuestras propuestas, el PSOE se ha cerrado a cualquier negociación». Hau al da konsen-

susa?

Gaur interesatzen zaidan harira itzuliaz, esku artean darabilgun lau puntuak aipatu nahi dizkiat.

a) Era guztietako autonomia baztertzea, laborala eta finantzieroa bereziki galduaz. «Hori ez duk egia» diok baina inondik inora ez duk horrelako baieztapenik frogatzen. Egia duk Ikastolen Euskal Eskola Publiko Berri baten aldeko apostua egin genuela, eta egia duk hik esaten duan legez ikastolak autonomia osoa duela gauza bat ala bestea aukeratzeko. Baina egia duk ere, onartu den legeak ez duela guk nahi genuen eskola berri horrentzat plazaratzen genituen gutxienezko baldintzak betetzen.

b) Perfilen kontuan dokumentu desberdinak erabili dizkiagu itxura denez. Dekretoa agertu ez denez, nik, hik izenpetutako «Acuerdo político para el Pacto Escolar» hartu izan diat erreferentzia moduan eta hau irakurri diat (erdaraz dago esku artean dudana alea).

Los once PL1 que corresponden al modelo A son perfiles sin fecha de preceptividad en el plazo de diez años...

... Por lo que respecta al PL1 del modelo D su preceptividad será inmediata.

Ikusten duanez hemen ez du esaten «izan

daiteke» eta halakorik, baizik eta «ser acuerdo» eta «será». Bi gauzak ezberdinak dituk ezta?

d) Ikastetxeen tipologia berriaren araberan, Haur Hezkuntza eta Lehen Hezkuntzako ikastetxe bihurtzea, proiektu pedagogiko orokor bat ezabatuz. Hemen dirudienaz ados gagoz.

e) Urteetan zehar osatu den plantila desgitea. Zoritzarrez honela izango duk. Egia da legeak (Iraskaskuntzako irakasleen kidegoei buruzkoak), lanpostuen iraunkortasuna bermatzen duela pertsonalagoaren zati handi batentzat bere Aldi-baterako erabakietan. Baina hau ere egia duk, «Hautaketa aldian parte hartu eta gaintzen dutenek beren lanpostuetan jarraituko dute, ikastetxeetako lanpostuen sailkapenaren ondorioz egin daitezkeen moldaketen kalterik gabe».

Beraz, d) puntuan ados bagaude, gaur egun 46 gela duen ikastola honek, 28-29 bat izango ditu etorkizun hurbil batetan. Zer gertatuko da soberan izango diren 20 irakasle inguru eta ez dozente guztiekin?

Ikusten duk Luis textu berdinak erabiliaz ondorio desberdinak atera ditugula.

IÑAZIO ARREGI
Bergara (Gipuzkoa)

GAIA JARRITA



Boris Ieltsin

Nazioarteko txalo artean

erabaki hau heldu da:

botere dena zeuk hartu duzu

lehengo Tsar-en onura.

Aurka daukazu Parlamentuak

ez dizu eragin duda,

baina herritarren ezin biziak

jo duenez azken muga,

gera zibilik ez piztea da

daukazu hurrengo guda.

IÑAKI MURUA

Egunkaria

Batzorde Parekidea: 72564 E / Lege Gordailua: SS 800/90



OJDren IKUSKATZEA BIDERATUA

Administrazio Kontseiluko Lehendakaria: MARTIN UGALDE

Kontseilu Editorialeko Zuzendaria: JOAN MARI TORREALBA

Gerentea: FERMIN LAZKANO

Zuzendaria: IÑAKI URÍA

Zuzendariordea: LUZIAN ETXEHARRETA

Zuzendari Komertziala: JUAN IÑAZIO HARTSUAGA

Sustapena: NEREA AZURMENDI

Publizitatea: MARI JOSE SARASA

HELBIDEAK

Erredakzio eta Tailerra: ANTZA S.A. Industrialdea 01-02

Pabilioak / 20160 Lasarte-Oria / ☎ 37 15 45 / Faxe: 36 54 37

Egoitza soziala, Publizitatea eta Administrazioa: Antza

Jakintza, 16-1. / 20010 Donostia / ☎ 46 90 22 / Faxe: 45 59 22

Araba: San Antonio, 20-1. ezker. / 01005 Gasteiz / ☎ 23 38 72

Faxe: 23 38 73

Nafarroa: Iratxe Monastegia, 45-13. esk. / (Irrintzi dorrea) /

31011 Iruñea / ☎ 17 80 78/79 / Faxe: 17 80 77

Bizkaia: Barroeta Aldamar, 2-1. eskuma. / 48002 Bilbo /

☎ 423 90 62 / Faxe: 423 94 60

Lapurdi / Nafarroa Beherea / Zuberoa: 503 Posta kutxak /

64105 Baiona / ☎ 59 59 35 75 / Faxe: 59 25 75 11